

周
禮
補
注

周禮補注卷第四

夏官司馬

司燿注讀如子若觀火之觀 說文燿取火於日官名
从火藿聲舉火曰燿周禮曰司燿掌行火之政令或
从亘作烜飛鵬案燿有二義其云取火於日者蓋秋
官之司烜也云舉火曰燿并引司燿經文卽此行火
之司燿也觀亦藿聲故後鄭擬其音如此

挈壺氏注挈讀如絜髮之絜 案鄭注禮記絜矩之道
云絜猶結也挈也故賈疏以此注絜爲卽結之義

大僕

千寶注若漢侍中

劉昭續漢志注

續漢志侍中比

二千石注引漢官秩云千石

戎右

案此經戎右即車右也左傳桓三年曲沃武公

伐翼梁宏爲右注右戎車之右八年鬪丹獲其戎車

與其戎右少師注戎右車右也

注右者參乘

余本嘉靖本毛本右作古

紹基案月令注云人君之

車必使勇士衣甲居右而參乘齊右注云陪乘參乘謂車右也即此右者參乘之確證疏有作古者誤字也

戎僕

案此經戎僕即左傳之御戎也桓三年曲沃武

公伐翼次於陘庭韓萬御戎注御戎僕也疏引周禮

戎僕掌御戎車以證之

齊僕 案此經齊僕卽春秋時之乘馬御也左傳成十八年程鄭爲乘馬御六駟屬焉注乘馬御乘車之僕也疏云周禮齊僕下大夫掌馭金路以賓朝覲宗遇饗會皆乘金路杜言乘馬御乘車之僕則當彼齊僕也晉語謂之贊僕

趣馬下士注鄭司農說以詩曰馭維趣馬 案詩箋云趣馬中士也掌王馬之政此云下士疑鄭箋有誤

職方氏 樊毅修華岳碑周禮識方氏集古錄云以識方氏爲職方字畫分明非訛缺疑當時周禮之學自

如此 案識職古字通夏小正二月采識一本作職
職爲後起字故書當作識鄭君所見本乃作職耳說
文職記微也

擯人 釋文擯他南反與探同說文云擯探也

都司馬 春官疏夏官都家稱司馬得與大官同名者
以其軍事是重故與大官同名也

家司馬各使其臣以正于公司馬 沈彤周官祿田考
云以序官家司馬各使其臣以正於公司馬之文移
在都司馬本職後都司馬本職後家司馬亦如之之
文移在序官都司馬後是家司馬亦如之卽謂每家

上中下士府史胥徒如都司馬之數矣蓋此本與春
官家宗人秋官家士二目同例而其簡與職互錯也
大司馬職施貢分職注職謂職稅也 校勘記云宋本
余本嘉靖本作賦與儀禮經傳通解合此誤 案魏
徵治要引此注亦作賦稅

均守平則注諸侯有土地者均之尊者守大卑者守小
則法也 案則當訓爲則土與五命賜則之則參看
周書作維解將建諸侯鑒取其方一面之土燾以黃
土苴以白茅以爲土封故曰受則土於周室則土不
平守必不均均守平則則邦國獲安若如賈疏以職

貢之等皆有常法爲訓何以別於施貢分職乎

則胥之注胥猶人胥瘦也 釋名言語部省胥也御覽
人事部引作胥瘦也胥省古通用字春秋莊二十年
肆大胥公羊作肆大省大司徒胥禮卽省禮

則壇之注壇讀如同壇之壇 別雅文帝本紀其廣增
諸祀壇場珪幣壇卽壇字集韻壇亦音他干切壇亦
音上演切則二字音通故古亦通用

放弑其君則殘之注放逐也殘殺也 異義鄭君以爲
左氏宣十八年秋七月云邾人戕鄆子于鄆傳曰凡
自內虐殺其君曰弑自外曰戕卽邾人戕鄆子是也

自內弑其君曰殺者晉人弑其君州蒲是也雖他國
君不加虐亦曰殺若加虐殺之乃謂之戕之取殘賊
之意也若自上殺下及兩下自相殺之等皆曰殺本疏
中春教振旅注兵者凶事不可空設因蒐狩而習之凡
師出曰治兵入曰振旅皆習戰也四時各教民以其
一焉 鄭元於異義駁不從公羊云祠兵故云祠兵
者公羊字之誤因而作說之亦不從左氏說治兵爲
授兵於廟云於周司馬職曰仲夏教茆舍仲秋教治
兵其下皆云如戰之陳仲冬教大閱脩戰法虞人萊
所田之野乃爲之本疏

軍將執晉鼓 釋文將軍如字本或作軍將飛鵬案釋
文出將軍云如字知故書當作將軍不與師帥旅帥
同也作軍將者乃或本耳

以教坐作進退疾徐疏數之節 惠氏棟曰兵法有立
陳有坐陳見尉繚子立陳所以行也坐陳所以止也
春秋傳曰坐其北門又云裹糧坐甲又云王使甲坐
於道又云士皆坐列司馬法曰徒以坐固荀子曰庶
士介而坐道皆坐陳也

仲夏教芟舍注芟讀如萊沛之沛芟舍草止之也軍有
草止之法 案說文艸部芟草根也一曰草之白華

爲茭广部度舍也據此則度爲度舍正字詩召南及
此經作茭僖十五年傳作拔舍皆假借也魏徵治要
引此作拔舍

鄉以州名注鄉則南鄉甄東鄉爲人是也 禮說世本
有宋大夫東鄉爲無人字似東鄉氏而爲名晉國高
士全隱於南鄉因以爲氏則南鄉甄者亦氏南鄉名
甄也 段玉裁曰左氏有向爲人鄉向古通疑鄉氏
有東鄉南鄉之別又曰文七年正義云世本宋桓公
生公子鱗鱗生東鄉矐是則左傳鱗矐世本作東鄉
矐左傳鱗朱向帶向爲人皆桓族也然則世本之東

鄉爲人卽左傳向爲人無疑

鄉遂載物 漢讀考云此當從石經作鄉家假令是鄉遂則注不得云鄉大夫也

遂以獮田 臧氏琳曰說文犬部云獮秋田也从犬聖聲祿獮或从豕宗廟之田也故从豕示示部新附云禰親廟也从示爾聲一本云古文禰也徐鍇本以禰爲說文本字注云秋畋也从示爾聲獵者所以爲宗廟之事左傳曰鳥獸之肉不登于俎則君不射故从示又祖禰也案爾雅釋天釋文云獮息淺反說文从藹或作禰从示知許書本有重文从示字但大徐本

既以獾爲獮因改禱爲禰小徐本於犬部移入示部
尙未易其訓大徐又改爲示部新附字則益失之矣
犬部祿獾或从豕宗廟之田也故从豕示當爲禰獮
或从示宗廟之田也故从示方合或說文本有祿字
而注有誤亦未可知

致禽以祀祊注祊當爲方聲之誤也 案說文云繫門

內祭先祖所以徬徨從示彭聲重文祊云繫或從方
據此則祊爲繫之或體所謂祭先祖者鄭注以此爲
主祭四方故易其字曰當爲方

慎言案祭先祖所以徬徨以字宜衍詩楚

茨釋文不誤說文以門內祭爲句小徐增以字義反晦

三鼓掩鐸注司馬法鼓聲不過聞鼙聲不過闕鐸聲不過琅
說文鼙鼓聲也鼙鼓聲也段玉裁云聞卽鼙
闕卽鼙

大獸公之小禽私之注鄭司農云一歲爲豨二歲爲豨
三歲爲特四歲爲肩五歲爲慎元謂慎讀爲慶 案
說文豨生六月豚一曰一歲豨尙聚聚也豨牝豨一
曰二歲能相把拏詩曰一發五豨豨三歲豨肩相及
者詩曰並驅從兩豨兮豨毛詩作肩齊風傳云獸三
歲曰肩幽風傳云三歲曰豨其義均與許同而先鄭
獨云四歲爲肩故後鄭不从也三歲爲特義本魏詩

傳五歲爲愼不知先鄭何所據後鄭云愼讀爲慶王
氏引之云愼卽詩辰牡之辰凡字之從眞聲辰聲者
往往通用大祝振祭杜子春讀振爲愼亦其例也

屬其植注司農云植謂部曲將吏故宋城春秋傳曰華
元爲植巡功元謂植築城植也案說文栽下云築

牆長板从木戈聲春秋傳曰楚圍蔡里而栽徐鍇按
春秋左傳曰土功之事水昏正而栽謂始立植幹及
版築之也植義蓋與栽同尙書峙乃植幹馬注曰植

幹皆築具植在前幹在兩旁故鄭訓植爲植也

愼言案植

樹也建也經上云軍吏載旗師都載旛鄉遂載物郊
野載旒又云田之日司馬建旗于後表之中羣吏以

旗物各帥其民而致先鄭所謂部曲軍吏卽羣吏也大役聚眾庶羣吏各植旗以聚民而致于司馬如田之儀司馬屬而會之分地授功故云屬謂聚會之也杜注左氏宣二年傳云植謂將主也彼以華元是卿故云將主猶周禮司馬也

大祭祀饗會羞牲魚授其祭注祭謂尸賓所以祭也

案此專指大祭宗廟而言楚茨爲賓爲客傳云繹而賓尸及賓客信南山詩云畀我尸賓尸與賓連文皆言祭祀賈疏引少牢下篇以證尸祭又引公食大夫禮以證賓祭失之矣少牢饋食禮云上佐食舉尸一魚尸受振祭嗜之少牢下篇云司士杞魚亦司士載尸俎五魚橫載之侑主人皆一魚亦橫載之皆加臠

祭於其上注云剗魚時割其腹以爲大鬯也可用祭也此疏約舉其詞以爲尸祭用魚之證而不知侑爲賓中之賢者也少牢下篇云議侑於賓注云擇賓之賢者可以侑尸是也又云司士羞湑魚縮執俎以升尸取膾祭祭之是尸祭也又云酌獻侑侑拜受三獻北面荅拜司馬羞湑魚一如尸禮可見尸取膾祭祭之侑亦當祭不言祭者省文也故後鄭兼尸賓以言祭也先鄭云大司馬主進魚牲殆亦據少牢下篇司馬羞湑魚以爲說與

司勳祭于大烝注死則於烝先王祭之今漢祭功臣於

廟廷 漢制攷漢舊儀宗廟祭功臣四十人會堂下
惟御僕滕公祭於廟門外塾 唐太常韋挺等議曰
古者臣有大功享祿其後子孫率禮潔粢豐盛祔祠
烝嘗四時不輟國家大祫又得配焉所以昭明其勳
尊崇其德以勸嗣臣也其禘及時享功臣皆不應享
故周禮六功之官皆配大烝而已先儒皆以大烝爲

祫祭

通典

量人量其市朝州涂軍社之所里注鄭司農云量其市
朝州涂還市朝而爲道也元謂州一州之眾二千五
百人爲師每師一處市也朝也州也皆有道以相之

軍社社主在軍者 案量人營軍壘倣匠人營國之制而爲之國中面朝後市故此亦有市朝國中有九經九緯之涂故此亦有州涂國中左祖右社故此亦有軍社市與朝對文州涂與軍社對文以其聚一州之眾故曰州涂以其在軍中故曰軍社 案疏云師皆有道以相湊之疑注中相下奪湊字 慎言案先鄭意州與周義同故云還市朝而爲道也說文水中可居曰州周繞其旁是州字本取周繞爲義此可證成先鄭說劉昌宗讀還戶串反亦取還繞之義後鄭別釋州字取一州二千五百人爲說服先鄭釋州爲周之說也賈疏謂先鄭不釋州義似欠核

司燿掌行火之政令 案呂氏春秋湯得伊尹祓之於

廟燭以燿火齊桓得管仲亦然高誘謂火所以祓除
不祥周禮司燿掌行火之政令燿讀如權置火於桔
槔燭以照之據此則燿火卽權火也

凡祭祀則祭燿 案漢書五行志載春秋說曰古之火
正謂火官也掌祭火星行火政季春昏心星出東方
而昧七星鳥首正在南方則用火季秋星入則止火
以順天時救民疾帝嚳有祝融堯時有閼伯民賴其
德死則以爲火祖配祭火星惠士奇云祭燿者祭火
星也說本此

掌固夜三襲以號戒注杜子春云讀襲爲造次之造謂

擊鼓行夜戒守也春秋傳所謂賓將趣者與趣與造音相近故曰終夕與燎案左傳作賓將擻惠士奇曰趣擻皆從聚省得義亦得聲說文擻者夜戒守故行夜爲十擻擻一作諏服虔曰干扞也諏謀也從言爲聚謀從手爲聚守皆取聚義沈約宋志云長丈二尺者曰鼙鼓凡守備及役事則鼓之今世謂之下鼙古音戚今音切鼓反然則讀若刺也語有輕重故讀有異同鼙以蚤爲聲故又讀爲造次之造亦與趣音相近左傳扞擻齊世家作爭趣趣或讀爲促又與戚音相近矣田寶列傳局趣若轅下駒應劭曰局趣蹙

小之貌也史傳皆作趣或作趨假借字

環人掌致師注春秋傳曰御下捫馬 案左傳作兩釋

文云徐云或作捫惠棟曰兩本捫字故服杜訓爲飾
古文省故作兩

環四方之故注卻其以事謀來侵伐者所謂折衝禦侮

惠士奇曰環與還通量人注鄭司農云量其市朝
州涂還市朝而爲道則還讀爲環矣春秋莊十年宋
人遷宿公羊曰遷之者何不通也以地還之也何休
曰還繞也繞取其地使不得通四方 案玉篇亦訓
環爲繞也集韻則訓爲卻音胡慣切引周禮環人劉

昌宗讀鄭於序官注訓環爲卻於環四方之故注云
卻其以事來謀侵伐者則讀宜从劉音矣

搏謀賊 郭璞曰謀今之細作也

挈壺氏分以日夜 馬融云漏凡百刻春秋分晝夜各
五十刻冬至晝則四十刻夜則六十刻夏至晝六十

刻夜四十刻

本疏

注大史立成法有四十八箭 漢制攷引續漢厯志永
元十四年詔曰今官漏以計率分昏明九日增減一
刻違失其實大史待詔霍融上言不與天相應今下
晷景漏刻四十八箭立成斧官府當用者計吏到班

予四十八箭

射人掌國之三公孤卿大夫之位注位將射始入見君之位不言士者此與諸侯之賓射士不與也 禮箋射人掌三公孤卿大夫之朝位故並明其所執之贄諸侯在朝則皆北面亦指朝位與公卿同不言士者羣士之朝位與摯司士掌之也下經言相孤卿大夫之法儀大賓客作卿大夫從會同朝覲作大夫介大喪作卿大夫掌事又言諸侯在朝若有國事則掌其戒令詔相其事掌其治達凡射人所掌諸侯及三公孤卿大夫事甚眾不專于射其不得以諸侯北面爲

專指賓射時之位較然審矣

五正三正二正一正 馬融云十尺曰侯四尺曰鵠二

尺曰正四尺曰質

詩賓之初筵正義

賈逵云四尺曰正正

五重鵠居其內而方二尺

詩賓之初筵正義

注三侯者五正三正二正之侯也二侯者三正二正之

侯也一侯者二正而已此皆與賓射於朝之禮也考

工梓人職曰張五采之侯則遠國屬遠國謂諸侯來

朝者也五采之侯卽五正之侯也 禮箋司裘王大

射則共虎侯熊侯豹侯設其鵠諸侯則共熊侯豹侯

卿大夫則共麋侯皆設其鵠射人王以六耦射三侯

五正諸侯以四耦射二侯三正孤卿大夫以三耦射一侯二正士以三耦射豸侯二正大射儀公射大侯大夫射參士射干三經皆謂大射之侯也司裘職主設鹄故不言正士卑又不掌設其鹄射人與大射儀皆云士射豸侯明其同以豸爲鹄故鄭仲師射人注釋三侯爲虎熊豹二侯爲熊豹與司裘所設鹄之侯爲一明設正鹄于一侯矣據鹄言之爲皮侯據正言之爲采侯謂之射侯者天子中之則能服諸侯諸侯以下中之則得爲諸侯梓人職張皮侯而棲鹄則春以功得爲諸侯之謂也張五采之侯則遠國屬能服

諸侯之謂也別言五采之侯明斯爲天子所務而已
不言棲鵠蒙上皮侯省文燕射之侯尊卑皆張一侯
鄉射記凡侯天子熊侯白質諸侯麋侯赤質大夫布
侯畫以虎豹士布侯畫以鹿豕凡畫者丹質熊麋虎
豹鹿豕之侯咸取名于鵠記言大夫士布侯用畫則
熊侯麋侯棲皮爲鵠對文見異矣質居鵠之外天子
白諸侯赤記言凡畫者丹質謂大夫士畫以虎豹鹿
豕者用丹矣梓人職張獸侯則王以息燕此其獸侯
之差鄉射之禮所以習射上功當張麋侯二正與大
射同賓射之禮以親故舊朋友當張獸侯與燕射同

月利
卷四
二十三
王訓車
歟稽之經記未聞別有所謂賓射之侯者射人以射
法治射儀通職王與諸侯孤卿大夫士下言若王大
射則以貍步張三侯則事主于王經以爲王張侯見
義非爲大射變文承上經三侯五正言張三侯其非
異侯可知

若王大射則以貍步張三侯注三侯者司裘所共虎侯
熊侯豹侯也列國之君大射亦張三侯數與天子同
詩賓之初筵正義曰案大射前射三日司馬命量
人巾車張三侯射人云若王大射則以貍步張三侯
則天子亦前射三日其侯射人張之矣又曰犬射巾

車張三侯是諸侯之射張三侯司裘曰諸侯其熊侯
豹侯不三侯者注云諸侯謂三公及王子弟封於畿
內者是畿內諸侯屈於天子故二侯也

祭肥則贊射牲注今立秋有驅劉云 漢制攷武帝紀
腰五日注如淳曰漢儀注立秋驅腰蘇林曰腰祭名
驅虎屬常以立秋日祭獸王者亦以此日出獵還以
祭宗廟故有驅腰之祭顏師古曰續漢書作驅劉腰
劉義通 疏云天子必自射其牲諸侯已下則不射
飛鵬案楚語云諸侯宗廟之事必自射其牛牛亦牲
也安得謂諸侯不射牲乎

大喪與僕人遷尸注僕人大僕也 案大射儀僕人注
疏不明何官而燕禮注云後二人徒相天子大僕二
人也小臣祭僕御僕皆同官疏引大射僕人正徒相
大師僕人師相少師僕人士相上工云云謂大射別
尊卑故僕人正等相工燕禮輕故小臣相工據此是
以僕人當天子大僕故此經注亦云然

服不氏掌養猛獸而教擾之 史記五帝本紀教熊羆
貔貅虎索隱曰此六者猛獸可以教戰周禮有服
不氏掌教擾猛獸卽古服牛乘馬亦其類也

以旌居乏而待獲 鄭注大射儀云負侯獲者也引此

經文又云大侯服不氏負侯徒一人居乏相代而獲
參侯干侯徒負侯居乏不相代據此則知天子服不
氏亦然特諸侯服不氏之徒一人與天子服不氏之
徒四人爲有異耳

射鳥氏矢在侯高則以并夾取之注并夾鉞箭具夾讀
爲甲 司弓矢注并夾矢箭也惠士奇云說文箭箝
也箝與鉗同一作鉞并夾反爲箝猶不來反爲狸後
世反切之學本此

羅氏蜡則作羅襦注鄭司農云襦細密之羅襦讀爲縠
有衣御之縠 釋文縠女俱反或音須

慎言案司農
轉縠爲縠縠

者衣帛端末之識羅言繻正形其羅之細也繻與須古通左傳紀履繻公穀作紀履須故或又讀繻爲須注今俗放火張羅其遺教案大司馬職仲春教振旅遂以蒐田火獫注云春田主用火因焚萊除陳草中夏教芟舍遂以苗田車獫注云夏田主用車中秋教治兵遂以獮田羅獫注云秋田主用罔中冬教大閱遂以狩田徒獫注云冬田主用眾據此則冬不得用火田大蜡在十二月周之十二月夏之十月康成以爲建亥之月則夏之孟冬周之季冬冬狩主用眾鄭於萊所田之野注云芟除可陳之處並未嘗言焚萊而於此注引王制昆虫已蟄可以火田爲證自相違

異爾雅蒐苗獮狩之名與周禮合又云火田爲狩蓋別爲一義凡火田者亦得與冬獵同名爲狩車攻駕言行狩毛傳云大芟艸以爲防焚而射焉是也非謂冬狩用火田也羅氏職僅云作羅襦不必定爲火田司士正朝儀之位 通典曰每朝列位所向不同者皆以事異故變其位三公之位常北面不變者以三公內臣位尊故屈之使常北面其餘諸侯孤卿大夫皆以地道尊右故尊者東面卑者西面是以於外朝之時諸侯東面尊於孤卿也故於內朝孤東面尊於卿大夫也時亦無諸侯故也唯詢事之朝非常朝之限

故不與三朝同

士旁三揖王還揖門左揖門右注公及孤卿大夫始入門右皆北面東上王揖之乃就位羣士及故士大僕之屬發在其位羣士位東面王西南鄉而揖之三揖者士有上中下王揖之皆遂遁旣復位 士喪禮主人拜賓旁三注云先西面拜乃南面拜東面拜也惠士奇云旁猶面也一云旁猶不正也面者每面揖之三不正者邪嚮揖之三旁拜爲汜拜則旁揖爲汜揖矣古旁與方通士上下中三等故三揖也還揖門左門右謂還揖左右門宿衛之士惠氏蓋據此經上文

王族故士虎士在路門之右大僕大右大僕從者在
路門之左而言注云羣士及故士大僕之屬發在其
位蓋云羣士與故士大僕等均不待王揖而已就位
也賢基謹案燕禮卿大夫皆入門右北面東上士立
于西方東面北上疏云大夫以上小臣引之就門
東揖位未就庭位自士已下不須引從大夫而入
徑卽庭位此注云發在其位者卽徑卽庭位之意

諸子國子存游倅注游倅倅之未仕者 案國子之有
游倅猶司徒之有羨卒也管子曰一器成往夫具二
器成驚夫具三器成游夫具惠士奇以爲游夫卽國
之貴游貴游卽游倅也

司右能用五兵者屬焉注司馬法曰弓矢圍父矛守戈

戟助 惠氏古義圍當作圉古禦字作圉管子墨子
書皆然注作圍傳寫之誤今司馬法爲禦字从俗作
也 穆案此圉字隋唐間已譌故
疏云弓矢圍者圍城時也 案莊子繕性篇云
其來不可圉注與禦同此五兵蓋謂步卒之五兵故
與司兵注異所謂矛者酋矛也

節服氏袞冕六人裘冕二人 惠士奇曰官以節服爲
名則王之車服旂常皆其職事朝祭則六人從王郊
祀則二人從尸持旌執戈乃其事也若云從王服袞
從尸服裘則顧命執惠執戈者雀弁綦弁而已未聞
服冕況以下士而服袞與裘乎郭景純注爾雅

維以
縷注

引周禮曰六人維王之大常服虔注左傳亦然則是
節服氏掌朝祭之袞冕郊祀之裘冕可知矣飛鵬案
詩千旌正義亦引周禮作六人維王之大常據此則
袞冕裘冕俱屬上讀

方相氏 續漢書禮儀志方相氏黃金四目蒙熊皮元
衣朱裳執戈揚盾十二獸有衣毛角中黃門行之尤
從僕射將之以逐惡鬼於禁中飛鵬案此卽周之遺
制

掌蒙熊皮注冒熊皮者以驚毆疫癘之鬼如今魃頭也
說文鬼部無魃字頁部云顛頭也从頁其聲今逐

疫有顛頭徐錯繫傳引靈光殿賦曰佗顛猓以鷗鳩

顛頭方相四目也

今本文選作欺猓李善注云大首也慎言案魁又與俱通荀子非

相篇仲尼之狀面如蒙俱楊倞注云俱方相也其首

蒙茸然故曰蒙俱韓侍郎曰四方爲方相兩目爲俱

慎子曰毛燔西施天下之至姣也衣之以皮俱則見之者皆走也

帥百隸而時難注四時作方相氏以難卻凶惡也月令

季冬命國難案此蓋據季冬大難而言難者助陽

氣以卻陰氣恐其爲陰勝也

慎言案陰陽之氣皆以子爲室十一月會于子

而左右分行陽行左而丑爲堂寅爲庭卯爲門辰爲

巷巳爲街午爲野陰行右而亥爲堂戌爲庭酉爲門

申爲巷未爲街又與陽會于午野陽所臨爲建陰所

臨爲厭陰氣者厭也難者所以卻除其厭也卻厭者

莫如太陽同厭右行恒後于厭者一月惟天任德不

任刑故厭既通隨以太陽昭顯之季冬太陽在子厭

在亥亥堂也子室也陽在室而厭在堂有侵陵之患故尤忌之故命方相氏大難而索室毆疫

毆方良注方良罔兩也 禮斗威儀顙頊有三子生而
亾去爲疫鬼一居江水是爲瘡鬼一居若水爲罔兩
蜮鬼一居人宮室區隅善驚人小兒爲小鬼于是正
歲十二月令方相氏帥百隸及童子而時儼以索室
而驅疫鬼 東京賦腦方良注方良草澤神

大僕掌正王之服位注位立處也 疏王之起居無常
或起居行事之時多以立爲正故以立處言之也飛
鵬案疏說非也小宗伯職掌建國之神位注云故書
位作立鄭司農云立讀爲位古者立位同字古文春

秋經公卽立爲公卽立據此則立處猶言位處也

以待達窮者與遽令注遽令郵驛上下程品 惠氏古

義漢廢律有上變事及驚事告急漢廢律魏改爲郵驛令

救日月亦如之 疏日會陰侵陽當與鼓神祀同用雷鼓也月會當用靈鼓飛鵬案雷鼓靈鼓在鼓人六鼓之中然攷春秋莊廿五年辛未朔日有會之穀梁傳天子救日置五麾陳五兵五鼓諸侯置三麾陳三鼓三兵疏以爲五鼓者麋信徐邈並云東方青鼓南方赤鼓西方白鼓北方黑鼓中央黃鼓據此則五鼓非

六鼓之類蓋別用方色鼓與

小臣掌士大夫之弔勞 天官世婦疏小臣云掌士大夫之弔勞注云致禮飛鵬案賈氏旣於世婦疏引之而本疏不及一字疑非鄭君注也浦鏜以致禮同名爲弔爲此注語不知同名爲弔乃彼疏語非此注語也

隸僕掌五寢之埽除糞洒之事注五寢五廟之寢也

禮箋凡祭祀齊於路寢五寢卽五室別言之爲五寢統言之爲大寢鄭君以爲廟寢失之隸僕爲王宮執事之官廟祧非其職掌所得及飛鵬案守祧職云其

廟則有司修除之注有司宗伯也有司恒主修除守
祧恒主黜陟若然則廟寢之埽除糞埽有宗伯守祧
在隸僕不得與也

大喪復于小寢大寢 禮箋以檀弓君復於大祖小祖
大寢小寢考之天官夏采以冕服復於大祖祭僕大
喪復於小廟是天子復於大祖小祖之事其復於大
寢小寢則此隸僕所掌也士喪禮死於適室復者升
自東榮降衣於前受用篋升自阼階以衣尸此士復
適寢之禮足相證明矣

弁師掌王之五冕 禮圖云冕以三十升布漆而爲之

廣八寸長尺六寸前圓後方前下後高有俯伏之形
故謂之冕欲人之位彌高而志彌下故以名焉

後漢書注

左傳桓二年正義阮謏三禮圖漢禮器制度云冕
制皆長尺六寸廣八寸天子以下皆同沈引董巴輿
服志云廣七寸長尺二寸應劭漢官儀云廣七寸長
八寸沈又云廣八寸長尺六寸者天子之冕廣七寸
長尺二寸者諸侯之冕廣七寸長八寸者大夫之冕
五采纁十有二就皆五采玉十有二注纁雜文之名也
合五采絲爲之繩垂於延之前後各十二所謂遽延
也繩之每一帀而貫五采玉十二旂則十二玉也此

爲袞衣之冕十二旒則用玉二百八十八 案此蓋
謂前後皆有旒也金氏榜禮箋云後漢書輿服志孝
明皇帝永平二年初詔有司采周官禮記尙書皋陶
篇乘輿服從歐陽氏說公卿以下從大小夏侯氏說
冕前圓後方前坐四寸後坐三寸三公諸侯及卿大
夫皆有前無後案玉藻天子玉藻十有二旒前後邃
延則歐陽氏說所本也大戴禮子張問入官篇古者
冕而前旒所以蔽明也禮緯旒垂目纈塞耳王者示
不聽讒不視非也則大小夏侯氏說所本也鄭君釋
周官禮記用歐陽氏說聞之師曰前旒義取蔽明則

無後旒可知記言十二旒未嘗謂前後皆有也玉藻所云前後邃延者謂延之前後出於武者皆深邃耳前後據延言不據延之垂者言斯言可正諸儒相傳之誤古冕旒之制當从大小夏侯氏說

會五采

梁正三禮圖云弁縫十二

聶圖

注故書會作膾鄭司農云讀如馬會之會謂以五采束髮也上喪禮曰檜用組乃笄檜讀與膾同書之異耳說曰以組束髮乃著笄謂之檜沛國人謂反紒爲膾璆讀如綦車轂之綦元謂會讀如大會之會會縫中也璆讀如薄借綦之綦綦結也皮弁之縫中每貫結

五采玉十二以爲飾謂之綦詩云會弁如星又曰其弁伊綦是也 漢讀考司農從膾後鄭從會司農綦如字後鄭易爲綦此其別也膾讀如馬會之會後人刪膾字非也馬會者卽馬僧段干木晉之大駟後漢書注引說文駟會也謂合兩家之買賣如今之度市也史記貨殖傳節駟會徐廣曰駟馬僧也會僧古今字司農謂其音如此其義則亦取會合謂以五采束髮也引士喪禮櫨用組乃笄並引其說者謂儀禮之櫨卽周禮之膾皆謂束髮也又引沛國方言者爲膾訓束髮之證也云綦讀如綦車轂之綦者綦車轂蓋

卽詩之約軼此司農擬其音耳其義蓋同說文說文
玉部云弁飾往往冒玉謂之璆字從玉亦作璆司農
不易璆爲璆也司農謂璆五采者會五采束髮玉璆
用玉爲璆鄭君則以經文五采玉卽上文說冕之五
采玉十有二也不當誤斷其句故從今書作會讀會
如大會之會大會者賈疏云漢麻有大會小會未知
是否也會訓縫中者凡兩者相合而有縫故牆隙謂
之壁會易璆爲薄借璆之璆薄借璆者卽說文糸部
之不借緦不借麤屨也齊人云搏脂薄不語之轉璆
屨繫也今之鞵帶所以結鞵使不脫故讀璆爲璆卽

訓綦爲結王之皮弁縫中以五采玉十二貫而結之
爲飾亦謂之綦又非如仲師叔重說弁飾名璫也引
詩會弁如星者以證會爲縫中引詩其弁伊綦者以
證綦爲結也衛詩箋云會謂弁之縫中飾之以玉璫
璫而處狀似星也曹詩其弁伊騏箋云騏當作綦以
玉爲之皆與禮注合而說文骨部體下云骨槌之可
會髮者從骨會聲引詩體弁如星是詩本作體與周
禮故書合今本毛傳曰弁皮弁所以會髮疑有錯誤
當云體所以會髮爲許叔重所本蓋毛詩作體三家
詩有作會者鄭君注禮時未治毛詩其所云會弁如

星其弁伊綦蓋皆韓詩至箋毛詩時則又合周禮注
及韓詩爲說改字而體讀爲會之云蓋今本佚去言慎
案先鄭說賈疏云不知何義段氏申釋較爲明晰攷
張平子東京賦言法服冕帶下云珩紃紃經玉笄綦
會此約周禮弁師文也綦者結束之意會者用組束
髮之名玉笄綦會謂以玉笄維持束髮耳平子所言
當爲先漢禮家舊說
司農之義蓋本于此

司兵掌五兵注鄭司農云五兵者戈殳戟酋矛夷矛

異義公羊說甲午祠兵祠者祠五兵矛戟劒楯弓矢
穀梁傳陳五兵范甯云五兵矛戟鉞盾弓矢麋信徐
邈並同國語偃五刃韋昭云五刃刀劒矛戟矢也飛
鵬案諸說皆與先鄭異

司弓矢仲秋獻矢箛注箛盛矢器也以獸皮爲之 干

寶注今謂之步叉

劉昭續漢志注

服虔通俗文箭箛謂之

步叉

御覽

釋名步叉人所帶以箭叉其中

御覽

案詩

魚服傳云魚皮爲之箛不別解此注云以獸皮爲之無正文故兩解也

及其頒之王弓弧弓以授射甲革樅質者夾弓庾弓以授射豸侯鳥獸者 說文弓部引周禮六弓作王弓弧弓以射甲革甚質甲弓庾弓以射干侯校勘記云甚古樅字 淮南子夫射儀度不得則格的不中注云格射之樅質也 案豸侯大射儀作干注云干讀

爲𢶏

充籠箴矢注籠竹箴也 案旣夕禮薦竿注竿竹箴據

此則籠卽竿也

大馭掌馭王路以祀及犯輶 說文輶下云出將有事

於道必先告其神立壇四通樹茅以依神爲輶旣祭
輶轅於牲而行爲範輶从車友聲範下云範輶也从
車範省聲讀與犯同據知此經作犯乃同音假借之
字

右祭兩軹祭軌注故書軹爲軒軌爲軹杜子春云軒當
作軹軹謂兩轄也軹當爲軌軌謂車軾前也或讀軒

爲簪笄之笄 戴氏震謂斬讀如笄是也杜君改爲
軹與輅內之軹二名混淆非也以轄釋轂端之斬亦
非也後代字書併斬字無之軹者軹前軌者車轍軹
者車輪斬者轂末轄者軸末 案鄭注少儀祭左右
軌范引周禮大馭祭兩軹祭軌乃飲云軌與軹於車
同謂轄頭也軹與范聲同謂軹前也蓋以范當大馭
之軹軌當大馭之軹故並其文而解其義考工記軹
崇三尺有三寸注鄭司農云軹事也弓長六尺謂之
庇軹注杜子春云謂覆幹也後鄭皆訓爲轂末與少
儀注訓軹爲轄頭異義李氏惇云先鄭之所謂事杜

子存之所謂幹與後鄭所謂轂末相去不過二寸許其說似矣說文云軹車輪小穿也冬官考工記云參分其轂長去二以爲賢去三以爲軹則軹爲轂末無疑說文又云車軸耑也或从彗作𨋖則𨋖爲軸末無疑考工記軹字有二義轎內之軹乃輿板之貼內者植者爲𨋖橫者爲軹輿人所云軹圍𨋖圍是也轂末之軹輪人所云去三以爲軹是也此經祭兩軹定爲轂末之軹故故書以軹爲軹也

校人乘馬一師四圍 異義天子駕數易孟京春秋公羊說天子駕六毛詩說天子至大夫同駕四士駕二

詩云四驥彭彭武王所乘龍旂承祀六轡耳耳魯僖
所乘四牡駢駢周道倭遲大夫所乘謹案禮王度記
曰天子駕六諸侯與卿同駕四大夫駕三士駕二庶
人駕一說與易春秋同元之聞也周禮校人掌王馬
之政凡頒良馬而養乘之乘馬一師四圉四馬爲乘
此一圉者養一馬而一師監之也尙書顧命諸侯入
應門皆布乘黃朱言獻四黃馬朱鬣也旣實周天子
駕六校人則何不以馬與圉以六爲數顧命諸侯何
以不獻六馬

詩千旄
正義

天子十有二閑馬六種邦國六閑馬四種家四閑馬二

種 趙商問校人職天子有十二閑六種爲三千四百五十六匹邦國六閑馬四種爲二千五百九十二匹家四閑馬二種千七百二十八匹商按天子之卿采地食小都大夫食縣不審何由當能共此馬數故禮記家富不過百乘謂其多也司馬法論之甸方八里有戎馬四匹長轂一乘今大夫采地四甸一甸稅又給王其餘三甸纔有馬十二匹今又就校人之職相校甚異何荅曰邦國六閑四種其數適當千二百九十六匹家有四閑二種又當八百六十四匹今子以何術計之乎此馬皆君之所制爲非謂民賦畿內

百里之國者居四都五十里之國居四縣二十五里之國居四甸而引天子卿會小都大夫會縣欲何以難又司馬法甸有戎馬四匹長轂一乘此爲民出軍賦無與於天子國馬之數

本疏

邦國六閑馬四種 毛詩駟傳諸侯六閑馬四種有良馬有戎馬有田馬有駑馬

冬祭馬步注馬步神爲災害馬者 疏馬神稱步謂若元賓之步人鬼之步之類 校勘記云賓監毛本作冥飛鵬案鄭注族師云校人職又有冬祭馬步則未知此世所云蜎螟之醢與人鬼之步與近世郝氏懿

行據此以元冥爲蜾蠃之訛愚謂元胡涓切蜾豸聲元冥與蜾蠃爲同聲字得相通借不必定爲訛也

庾人七尺以上爲騊注爾雅曰騊牝牡元駒裏騊

校勘記云余本閩監本作騊牝牡元與釋文牡騊茂后反牝元頻忍反正合又云案上文引詩騊牝三千蓋賈疏本鄭注作騊牝牡元與釋文不同飛鵬案後說是也賈疏云騊中所有牝則騊色牡則元色語自分明鄭注檀弓引爾雅亦云騊牝牡元可證蓋鄭義之所以異於郭者郭以騊牡絕句鄭以元絕句爲不同耳非謂牝牡互易也臧氏琳泥周禮音義

而謂檀弓注係近人依郭璞爾雅妄改非也

六尺以上爲馬 案說文駢下云馬高六尺爲駢引詩

曰我馬唯駢駢下云馬八尺爲龍七尺爲駢是解說
龍駢與周禮同而於六尺之馬則曰駢詩漢廣言秣
其馬言秣其駢傳曰六尺以上爲馬五尺以上爲駢
陳風乘我乘駢箋云馬六尺以下曰駢釋文作駢引
沈重云或作駢字是後人改之皇皇者華篇內同據
此可見三詩駢字皆當作駢許君殆以六尺以下五
尺以上通謂之駢而六尺以上則適得馬之本稱與
職方氏辨其邦國都鄙四夷八蠻七閩九貉五戎六狄

之人民注閩蠻之別也國語曰閩蠻矣四八七九五六周之所服國數也 鄭志趙商問職方氏掌四夷八蠻七閩九貉五狄之數注云周之所服國數禮記明堂位曰周公六年制禮作樂朝諸侯於明堂有朝位服事之國數夷九蠻八戎六狄五禮文事異未達其數鄭荅職方氏四夷四方夷狄也九貉卽九夷在東方八蠻在南方閩其別也戎狄之數或六或五兩文異爾雅惟有其數耳皆無別國之名校不甚明故不定 孔晁周書注國曰都邑曰鄙貉狄之別八七九五六見非一之言也 案周書職方解與

此經文同據序在穆王之世云王化雖弛天命方永
四夷八蠻攸尊王政作職方周官爲周公所定而序
云穆王作職方者孔晁注云此在周官大司馬下篇
穆王使有司抄出之欲時省焉其說似矣

東南曰揚州其澤藪曰具區注具區在吳南 案鄭義
蓋謂在漢吳縣南屬會稽郡禹貢謂之震澤今謂之
太湖郭璞注爾雅具區曰今吳縣南太湖卽震澤是
也今太湖在蘇州府西南四十五里

正南曰荊州其澤藪曰雲薈注雲薈在華容 漢書地
理志南郡華容下云雲夢澤在南荊州藪 案雲夢

跨江南北統爲一藪左氏傳或言雲或言夢省文耳
後儒謂夢在江南雲在江北非也

其浸潁湛注潁出陽城宜屬豫州在此非也湛未聞

地理志潁川郡陽城下云陽乾山潁水所出東至下
蔡入淮過郡三行千五百里荊州寢 水經潁水出

潁川陽城縣西北少室山注云今潁水有三源奇發
右水出陽乾山之潁谷其水東北流中水導源少室
通阜東南流逕負黍亭東亦或謂是水爲潁水東與
右水合左水出少室南谿東合潁水故作者乃舉二
三言水所發也 郡國志潁川郡昆陽有湛水注引

左傳襄十六年楚公子格與晉戰於湛阪 水經汝水東南過定陵縣北注云湛水出犇縣北魚齒山西北東南流歷魚齒山下爲湛浦方五十餘步今水北悉枕翼山阜子父城東南湛水之北山有長阪蓋卽湛水以名阪故有湛阪之名湛水又東南逕蒲城北京相璠曰昆陽縣北有蒲城蒲城北有湛水者是也案職方之湛與潁水相近潁出陽城湛出昆陽均屬潁川郡則職方之湛自宜以昆陽當之與水經晉水下所云湛水出河內軹縣西北山者有別趙氏一清於卷首晉水下之湛水引說文湛豫章浸正其誤

曰章當作州於此注又引說文以明職方言荊州浸
許慎言豫州浸之故曰川土相鄰故也是以汝水下
之湛與晉水下之湛合而爲一非也全氏祖望云湛
是汝水支流而潁亦與汝互相出入之水其說得之
河南曰豫州其澤藪曰圃田 地理志河南郡中牟下
云圃田澤在西豫州藪 郡國志中牟有圃田澤注
引左傳曰原圃爾雅十藪鄭有圃田 說文藪下云
豫州甫田段氏云甫今本作圃汲古未改本宋本李
燾五音韻譜本皆作甫毛詩東有甫草毛云甫大也
箋云甫草者甫田之草也鄭有甫田俗本作圃田釋

文及吳應龍本不誤蓋鄭所據爾雅許所據周禮皆作甫田甫圃古通用故毛詩甫草韓詩作圃草爾雅鄭有圃田注今滎陽中牟縣西圃田澤是也邵氏云漢志河南郡中牟縣圃田澤在西晉分河南立滎陽故晉志作滎陽郡元和郡縣志圃田一名原圃東西五十里南北二十六里西限長城東極官渡上承鄭州管城縣曹家陂又溢而北流爲二十四陂其川滎雒注滎兗水也出東垣入於河洑爲滎滎在滎陽地理志河東郡垣下云禹貢王屋山在東北沈水所出東南至武德入河軌出滎陽北地中水經

濟水出河東垣縣東王屋山爲沅水又東至溫縣西北爲濟水又南當鞏縣北南入於河與河合流又東過成皋縣北又東過滎陽縣北又東北至礫磎南東出過滎澤北注引晉地道志曰濟自大伾入河與河水關南洑爲滎澤 潛邱劄記胡朏明問滎字說文曰絕小水也何義余曰爾雅正絕流曰亂邢昺疏正直也孫炎所謂橫渡是也濟水截河南過爲滎故以絕字解滎至小水二字則有唐高宗許敬宗問荅在高宗曰天下洪流巨谷不載祀典濟甚細而在四瀆何哉敬宗曰瀆之言獨也不因餘水獨能赴海者也

濟潛流屢絕狀雖微細獨而尊也此可以爲其注腳矣 案滎陽滎澤皆以滎得名但古皆作滎不作滎與說文訓爲滎滎絕小水者別說文云沔水出河東東垣王屋山東爲沔段氏據水經正之作河東垣東以職方注東垣之東爲衍字是也

其浸波滎注波讀爲播禹貢曰滎播旣都春秋傳曰楚子除道梁滎營軍臨隨則滎宜屬荊州在此非也

逸周書滎作滎波作陂 鄭注尙書云今塞爲平地滎陽人猶謂其處爲滎播飛鵬案禹貢滎波旣豬史記作播漢書作波閭若璩云馬鄭王本並作播 說

文澁水在漢南荊州浸也春秋傳曰修涂梁澁段氏注云許書於湛曰豫浸於澁曰荆浸蓋正經文之誤與鄭說正同水經注曰澁水出隨縣西北黃山南逕澱西縣西又東南澱水入焉又東南逕隨縣故城西又南流注於澨澨入夏水方輿紀要曰今澁水出德安府隨州西北二百里之栲栳山東南流至州北百十里有魯城河流合焉至安貢鎮入澨水道提綱曰漢水至漢川縣澨口塘北有澁澨諸水北自隨州南流會德安府雲夢應城數縣水來注之源流長五百餘里案馬融廣成頌云大漢之初基也揆厥靈圃

營於南郊右轡三塗左枕嵩嶽面據衡陰背箕王屋
浸以波差演以滎洛季長據職方爲說蓋以波差爲
豫州浸也章懷太子注引水經注云波水出歇馬嶺
卽應劭所謂孤山波水所出者今在汝州魯山西北
飛鵬案魯山爲漢魯陽在禹貢豫州之域

其畜宜六擾注六擾馬牛羊豕犬鷄 孔晁注家所畜
曰擾

正東曰青州其澤藪曰望諸注望諸明都也在睢陽
案禹貢作孟豬史紀夏本紀作明都詩譜作明豬正
義明音孟引禹貢作盟豬爾雅宋有孟諸注今在梁

國雖陽縣東北邵氏正義云此釋徐州之藪也殷之
徐州於周爲青州故職方青州其澤藪曰望諸青州
侵夏豫州之地故禹貢豫州曰被孟豬元和郡縣志
孟諸澤在宋州虞城縣西十里周回五十里俗號盟
諸澤孟望明盟諸豬皆聲之轉

其浸沂沭注沂山沂水所出也在葢沭出東莞 地理

志泰山郡葢下云臨樂子山

水經云沭水出葢縣臨樂山無子字

沭水

所出西北至葢入池

水經注作泗

水又沂水南至下邳入

泗過郡五行六百里青州濱瑯邪郡東莞下云術水
南至下邳入泗過郡三行七百里一十里青州濱師古

曰術水卽沐水也 說文沂下云水出東海費東西

入泗一曰沂水出泰山蓋沐下云水出青州寢

案出下蓋

有奪文 水經沂水出泰山蓋縣艾山南過瑯邪臨沂

縣東又南過開陽縣東又東過襄賁縣東屈從縣西南流又屈南過郯縣西又南過良城縣西又南過下邳縣西南入于泗沐水出瑯邪東莞縣西北山東南過其縣東又東南過莒縣東又南過陽都縣東入於沂

河東曰兗州其浸盧維注盧維當爲雷雍字之誤也

案盧維當是二水名維卽禹貢濰淄其道之濰水經

云濰水出瑯邪箕縣濰山東北過東武縣西注云案經脈志濰自箕縣北逕東武縣西北流合扶淇之水晏謨伏琛云東武城西北二里濰水者卽扶淇之水也濰水又北右合盧水卽久台水也地理志曰水出瑯邪橫縣故山山在東武縣故城東南世謂之廬山西北流逕昌縣故城西東北流齊地記曰東武城東南有盧水其水又東北流逕東武縣故城東而西北入濰則廬濰二水本合也濰溜在禹貢屬青州而周之兗州實侵夏青州之地故山鎮曰岱山說文濰下云徐州浸徐當作兗班志於瑯邪郡橫下云故山久

台水所出東南至東武入淮

案淮卽淮之省

箕下云禹貢維

水北至昌都

當作都昌

入海過郡三行五百二十里兗州

濱也康成破盧維字爲雷雍引禹貢以證之蓋見禹

貢兗州之域無盧維故也彼注云雍水沮水相觸而

合入此澤中地理志曰雷澤在濟陰城陽縣西北釋

文出盧維字云上音雷下於恭反則亦以盧維爲雷

雍矣

賢基謹案趙氏一清亦以琅邪之台水本出廬山曰廬水當職方之浸

正西曰雍州其山鎮曰嶽山注嶽吳嶽也 鄭志周都

豐鎬故以吳嶽爲西嶽

詩崧高正義

其澤藪曰弦蒲注弦蒲在汧

弦蒲逸周書作彊蒲

案地理志右扶風郡汧下云吳山在西古文以爲汧
山雍州山北有蒲谷鄉弦中谷雍州弦蒲藪據此則
弦蒲藪蓋因弦中谷蒲谷鄉得名段玉裁云朱本說
文作弦圖

東北曰幽州其山鎮曰醫無閭注醫無閭在遼東 案
郡國志遼東郡有無慮縣遼東屬國下無慮有醫無
慮山錢大昕考異引其弟晦之之說曰安帝紀元初
二年鮮卑圍無慮縣又攻夫犁營注云無慮屬遼東
郡有醫無慮山旣屬遼東不應重出此無慮當是夫
犁之譌此有醫無慮山因以爲名夫犁縣名屬遼東

屬國然則章懷所見本遼東屬國有夫黎無無慮也
無慮句當移於遼東郡無慮之下飛鵬案職方作賢
無間楚詞作於微間漢書作無慮皆聲之轉也

其澤藪曰獫狁注獫狁在長廣杜子春讀獫爲奚地

理志琅琊郡長廣下云奚藪澤在西秦地圖曰劇清

地幽州藪元和志萊州昌陽縣奚藪澤在縣西北

四十里寰宇記萊陽縣奚藪澤地理志云長廣縣

西有奚藪澤長廣故城在今縣東五十里案地理

志元和志寰宇記皆作奚本杜子春說說文藪下云

幽州奚藪是許亦作奚段注云說文大部奚大腹也

豕郢豨肫生三月腹奚奚兒也杜蓋謂此藪名取大
腹意不取豕意故易豨爲奚

其浸苗時注苗出萊蕪時出般陽 地理志泰山郡萊

蕪下云原山出水所出東至博昌入沛幽州寢千乘
郡博昌下云時水東北至鉅定入馬車瀆幽州寢

水經淄水出泰山萊蕪縣原山又東北過臨淄縣東
又東過利縣東注云時水出齊城西北二十五里平
地出泉卽如水也亦謂之源水因水色黑俗又目之
爲黑水時水屈而逕杜山北又西北逕西安縣故城
南又北逕西安城西又屈而東北逕博昌城北又東

北逕齊利縣故城北又東北逕巨淀縣故城北又東北逕廣饒縣故城北東北入淄水 案地理志不云時水所出因時水東北逕博昌城北故博昌下云時水東北至巨定入馬車瀆郡國志僅言博昌有時水引左傳乾時爲證亦不詳其所出惟水經注云出齊城西北二十五里道元必有所據後鄭云時出般陽般陽在地理志屬濟南郡在郡國志則屬齊國水經注云時出齊城齊城蓋指臨淄而言臨淄本齊刺史治濟南郡與齊國皆在雒陽東般陽與齊城接壤故鄭注以爲出齊城西北鄭注以爲出般陽也

河內曰冀州 馬融云在東河之西西河之東南河之

北

釋文

韋昭注漢書云東西南北皆有河故曰河內

其澤藪曰楊紆 呂氏春秋云秦之陽華高誘注陽華

在鳳翔或曰在華陰西淮南墜形訓云秦之陽紆高

注在馮翊池陽一名具圖又修務訓云禹之爲水以

身解於陽盱之河高注陽盱河蓋在秦也爾雅秦有

陽陁郭璞注云今在扶風汧縣西洪氏亮吉云池陽

漢屬馮翊晉初屬扶風故郭注與高誘異也淮南墜

形訓藪止有九無周之焦護明焦護卽楊紆也邵氏

爾雅正義云周禮冀州之藪而爾雅屬於秦則楊陁

當在冀雍之間作在華陰者爲近之楊陽同音華陰
紆盱音亦同其爲一地無疑

其川漳注漳出長子 地理志上黨郡長子下云周史
辛甲所封鹿谷山濁漳水所出東至鄴入清漳師古
曰長讀曰長短之長今俗爲長幼之長非也

其浸汾潞注汾出汾陽潞出歸德 潞逸周書作露梁
玉繩云呂氏春秋不屈篇士民罷潞注潞羸也與左
氏昭元年傳以露其體訓同是潞露古亦通用也
地理志太原郡汾陽下云北山汾水所出西南至汾
陰入河過郡二行千三百四十里冀州浸上黨郡潞

下云故潞子國 說文汾下云水出太原晉陽山西
南入河或曰出汾陽北山潞下云冀州浸上黨有潞
縣 案班許皆不言潞水所出段玉裁云潞國以水
得名殆或然與

正北曰并州其澤藪曰昭餘祁注昭餘祁在鄆 地理
志太原郡鄆下云九澤在北是爲昭餘祁并州藪
案徐鍇說文繫傳作昭餘祁淮南子作燕之昭餘無
祁字 潛邱劄記昭餘祁在今介休縣東北三十二
里俗名鄆城泊

其川庫池嘔夷注庫池出鹵城嘔夷祁夷與出平舒

地理志代郡鹵城下云虜池河東至參合入虜池別
過郡九行千三百四十里并州川 李氏惇云胡氏
渭曰漢志代郡平舒縣注祈夷水北至桑乾入治治
水卽濕水一名桑乾河漢桑乾故城在蔚州西北平
舒則大同之廣靈縣縣南有壺流河卽古祁夷水源
出縣西東北至蔚州入桑乾河其水源甚短今案山
海經曰高是之山澹水出焉東流注於河漢志代郡
靈邱縣注云澹河東至文安入大河過郡五行九百
四十里并州川水經注曰澹水出代郡靈邱西北高
是山卽嘑夷之水也蓋嘑澹音相近而二名嘑夷卽

澆河也并州之川惟此與庫沱相埒 案說文澆下
云水起北地靈邱東入河澆水卽漚夷水并州川也
其浸涑易注涑出廣昌易出故安 地理志代郡廣昌
下云涑水東南至容城入河過郡三行五百里并州
廣涑郡故安下云閭鄉易水所出東至范陽入濡也
并州廣水亦至范陽入涑

乃辨九服之邦國方千里曰王畿其外方五百里曰侯
服又其外方五百里曰甸服又其外方五百里曰男
服又其外方五百里曰采服又其外方五百里曰衛
服又其外方五百里曰蠻服又其外方五百里曰夷

服又其外方五百里曰鎮服又其外方五百里曰藩服注服服事天子也詩云侯服于周逸周書畿作圻孔晁注圻界也侯服爲王者斥侯也服言服王事也甸田也治田入穀也男任也任王事衛服爲王扞衛也蠻服用事差簡慢藩服屏四境也

王設其牧注選諸侯之賢者爲牧使牧理之孔晁注牧謂牧御天下之政教

制其職各以其所能注牧監參伍之屬用能所任秩次孔晁注連率牧監各任能也

形方氏無有華離之地注華讀爲𠂔𠂔之𠂔正之使不

瓜邪離絕 禮說華離之地𡈼今作乖俗誤爲華說
又𡈼背呂也象脇肋也玉篇𡈼部𡈼苦鳩切𡈼邪者
猶瓜邪云爾

周禮補注卷第四

孫錦琮
全校字